

Broj: 1-11-16-4-3974-23/16
Mostar, 03.05.2017.godine

Na osnovu člana 17. Zakona Agenciji za pružanje usluga u zračnoj plovidbi Bosne i Hercegovine („Sl. glasnik BiH“ br. 43/09), člana 69. stav (2) točka d), člana 70. stav (1), (2), (4) i (6) Zakona o javnim nabavkama („Službeni glasnik BiH“, broj: 39/14), člana 20. Statuta Agencije za pružanje usluga u zračnoj plovidbi Bosne i Hercegovine („Službeni glasnik BiH“, broj: 63/10), i Preporuke komisije za javnu nabavu usluge izrade projekata integriranog CCTV sistema i sistema tehničke zaštite objekata Agencije za pružanje usluga u zračnoj plovidbi BiH broj: 1-25-16-4-3974-22/16, direktor Agencije za pružanje usluga u zračnoj plovidbi Bosne i Hercegovine na osnovu zaključka sa 43. sjednice Uprave Agencije održane 24.04.2017. godine, donosi:

ODLUKU

o poništenju postupka javne nabavke usluge izrade projekata integriranog CCTV sistema i sistema tehničke zaštite objekata Agencije za pružanje usluga u zračnoj plovidbi BiH

Član 1.

Prihvata se prepruka Komisije za javnu nabavu usluge izrade projekata integriranog CCTV sistema i sistema tehničke zaštite objekata Agencije za pružanje usluga u zračnoj plovidbi BiH broj: 1-25-16-4-3974-22/16 i poništava se postupak javne nabavke usluge izrade projekata integriranog CCTV sistema i sistema tehničke zaštite objekata Agencije za pružanje usluga u zračnoj plovidbi BiH u skladu sa članom 69. stav (2) točka d) Zakona o javnim nabavkama jer **nijedna od primljenih ponuda nije prihvatljiva** u otvorenom postupku s objavom obavještenja.

Član 2.

Ova Odluka objavit će se na web-stranici Ugovornog organa: www.bhansa.gov.ba u skladu sa članom 70. stav (6) Zakona o javnim nabavkama BiH.

Član 3.

Ova Odluka stupa na snagu danom donošenja i dostavlja se ponuditeljima koji su učestvovali u postupku javne nabave, sukladno članu 71. Stav(2) Zakona o javnim nabavama BiH.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 1-11-16-4-3974-1/16 od 12.10.2016. Javna nabavka je provedena putem otvorenog postupka s objavom obavještenja. Procijenjena vrijednost javne nabavke bez PDV-a je 50.000,00KM. Komisija za javnu nabavku (u daljnjem tekstu: Komisija) imenovana je Odlukom broj: 1-11-16-4-3974-2/16 od 12.10.2016.godine.

Dana 19.04.2017. godine Komisija je dostavila Upravi Agencije izvještaj o radu broj: 1-11-16-4-3974-21/16 od 13.04.2017. godine i preporuku o poništenju postupka javne nabavke broj: 1-11-16-4-3974-22/16 od 18.04.2017. godine, u postupku javne nabavke usluge izrade projekata integriranog CCTV sistema i sistema tehničke zaštite objekata Agencije.

Utvrđeno je kako je Komisija u svemu pravilno postupila te da je preporuka o poništenju postupka nabavke dana u skladu sa Zakonom i podzakonskim aktima. Naime, u postupku predmetne nabavke

nesumnjivo je utvrđeno da nijedna od primljenih ponuda nije prihvatljiva čime su se stekli zakonski uvjeti za poništavanje postupka javne nabavke.

Ponuda ponuditelja Telegroup kao jedina pristigla ponuda se odbacuje kao nepotpuna jer ponuditelj nije ispunio uvjet iz točke 7.4.1. tačke (i) tenderske dokumentacije, koja glasi „ da ponuđač ima na raspolaganju najmanje jednu osobu koja posjeduje certifikat za projektiranje tehničke zaštite i najmanje jednu osobu koja posjeduje certifikat za obavljanje poslova tehničke zaštite odnosno certifikat za odgovornu osobu“. Ponuđač Telegrup u svrhu dokazivanja ispunjenosti uslova iz tačke 7.4.1. tačka (i) tenderske dokumentacije dostavio je Rješenje Centra javne bezbjednosti Banja Luka kojim se izdaje ovlaštenje za obavljanje poslova tehničkog obezbjeđenja lica i imovine, sa srednjom stručnom spremom i Rješenje Centra javne bezbjednosti Banja Luka kojim se imenovani u rješenju ovlašćuje za obavljanje djelatnosti obezbjeđenja lica i imovine, čime je zadovoljen čl. 31, stav (1) Zakona o Agencijama za obezbjeđenje lica i imovine i privatne detektivske djelatnosti RS („Sl. glasnik RS“ br. 4 od 18.01.2012.godine) kojim je propisano „Lice koje ima srednju stručnu spremu tehničke struke, može dobiti ovlaštenje za obavljanje **poslova tehničkog obezbjeđenja i za poslove postavljanja zaštitno-alarmnih sistema, te održavanje tehničkih uređaja i sredstava**“, ali ne i stavovi (2) i (3) istog člana, kao ni član 38. Uredbe o poslovima tehničke zaštite koji se odnose na korištenje alarmnih sustava, video nadzora ili drugih tehničkih sredstava i opreme te poslove intervencije u slučaju aktiviranja alarmnog sustava (V broj 1173/2015), a koji su potrebni za ispunjenje zakonskih uslova. Ugovorni organ je dužan tražiti navedeno, iz razloga zadovoljavanja zakonskih procedura potrebnih za registraciju sustava tehničke zaštite kod nadležnih organa.

Iz navedenih razloga, primjenom člana 69. stav (2) točka d) Zakona o javnim nabavkama odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 10 (deset) dana od dana prijema ove Odluke.



Dostaviti:

- web stranica Agencije,
- ponuđačima,
- a/a